

المختصر فاي صفه العمرة وأحكامها ومخالفاتها

شركاء التنفيذ :



المحتوى الإسلامى



رواد التراجم



بيان الإسلام



دار الإسلام

يتاح طباعة هذا الإصدار ونشره بأي وسيلة مع
الالتزام بالإشارة إلى المصدر وعدم التغيير في النص

Tel : +966 50 244 7000
@ info@islamiccontent.org
Riyadh 13245-2836
www.islamiccontent.org

Pēgr tiging be ne Wēnde sēn yaa
bōn-naandsā Naandā, la p_usg la tigr
be tōnd Nabiyaamā zugu, a Muham-
mad, la a zakā rāmb_a la a ṣahaabsā gilli.

Rē loogr poorē:

Rēnd wānde y_{aa} sebr sēn k_usg koεεg_a
n gomd ‘Umrā wā sifgo la a buudā la a
zugdā, la tōnd maana nonglem a pugē n
na n vēneg būmb ning ‘Umr_a maanda
sēn tar tulsem ne-a noor w_usgo.

La Wēnd la d kot-A t'A maan-a t'a yl
yleng_a ne Yēnda yel-sōmdā raab bala,
la A maan-a t'a naf lslaambā zānga.



**Sull ning sēn geta Lslaangā karengā
sōgnego ne buud-rāmbā goamā.**

Rēenem: yaa tūudmā reegr sārt-rāmbā :

**Tūudmā b ka reegd-a Wēnd nengē :
rēndame ne sart-rāmb a yiibu (A Naam zēk yā)**

1 Yaa pu-peelem

**la woto yaa a sēn na n
toglg ne-a Wēnd yīnga
(A Naam zēk yā), Wēnd
yeelame, (A Naam zēk yā):**

"وما أمروا إلا ليعبدوا الله
مخلصين له الدين حنفاء"

**La Nabiyaamā yeelame
(Wēnd puusg la A tigr be
a yīnga):**

"Ad tuum buudā fāa yaa
ne a Anniy wā, la ninsaāl
fāa yaa a Anniy wā n be
ne-a".

A Al-buḥārī n reeg-a (1) la a Muslim (1907).^c

2 Yaa tū Nabiyaamā na-kēndre


**gomd wεεgē la tuumē,
Nabiyaamā yeelame (Wēnd
puusg la A tigr be a yīnga):**
"Ned ning sēn wa n tuus
būmb tōnd yel-kāngā pugē,
sēn pa be a pugē,
tuum-kāngā pa reegd ye".

A Al-buḥārī n reeg-a (2697) la a Muslim (1718)

la a Muslim reegrā pugē (1718):

"Ned ning sēn tug n tuma
tuumde, ti tōnd sagell ka be
tuumdā zugu, tuum-kāng
yaa sēn lebsd a soaba".





Yiibu: ‘Umra wã sifã la a buud-rãmbã kareng buudo

Sõmba ne sën data n tũ Wēnde (A naam zēk yā) ne tũudum t'a karem Nabiyaamã kãndgrã (Wēnd puusg la A tilgr be a yīnga) tũud-kānga pugē; sën na yil t'a tuumdã zems ne Sūnna, la Nabiyaamã (Wēnd puusg la A tilgr be a yīnga) ra yume n pirsd nebã ti b pug-a la b tũ a kãndgrã; rēnd yii a Maalik [bn Huwayris nengē (Wēnd yard be a yīnga) a yeelame:Wēnd Tēn-tuumã yeelame (Wēnd puusg la A tilgr be a yīnga): "Puus-y wala yāmb sën yā maam ti m puusdē wã "Al-buhaari n deeg-a (6008), Leb n yii a Geebir nengē (Wēnd yard be a yīnga) a yeelame"Mam yāa Nabiyaamã t'a lobd kugã t'a be a bōn-zoamdga zugu Kibsã raare, la a yetē: yaa sën na yil ti y rik y Hagiimdã tuum mam nengē; ti mam pa mi ye tōe ti mam pa na n le maan Hagiimd m Hagiim-kāngã poorē ye

"A Muslim n reeg-a (1297).

Yiibu: ‘Umra wã yudlm la a yel-sōmdã

‘Umrã wã tara yudlem a yiibu:
sẽn gūbg la sẽn welge

Sẽn gūbgã:

- 1** Yii a Abuu Hurayrat nengẽ (Wënd yard be a yĩnga)
a yeelame: **Wënd-Tẽn-tuumã yeelame**
(Wënd puusg la A tilgr be a yĩnga):(‘Umra sẽn tug n tãag
‘Umra a to yaafd zũnuub-rãmb n be b sukã, la Hagiimd
sẽn manege a pa tar rolb rēnda arzãnã)

A Al-buḥaarī n reeg-a (1773) la a Muslim (1394).

- 2** Yii a ‘Abdullaah [bn Al-mas’‘ uud nengẽ, (Wënd yard
be a yĩnga), a yeelame: **Wënd Tẽn-tuumã yeelame**
(Wënd puusg la A tilgr be a yĩnga):(Pugl-y Hagiimdã ne
‘Umra wã suka; ti ad b yiibã sɛɛsda talemdã la
zũnuub-rãmbã wala zugd sẽn yiisd kutã la sãnemã la
wanzurã rēgdã, la hagiimd sẽn manege a pa tar rolb
rēnda arzãnã)

A Tirmiizī n reeg-a (810) la a An-Nasaa'ī (2631).

La sẽn welg Ramadaanã pugẽ:

rēnd yii a [bn Abbaas nengẽ (Wënd yard be b yiibã
yĩnga) ti **Nabiyaamã yeelame** (Wënd puusg la A tilgr
be a yĩnga):" ‘Umra maaneg Ramadaanã pugẽ a
zema fo sẽn na n lagem maam n maan Hagiimdu [3]"

A Al-buḥaarī n reeg-a (1863), la a Muslim (1256).

2- Yaa sãabã la Yōgs-rãmbã bugmã zīigẽ. At-tamhiid li [bn Abdūl-barr (15/102)

3- A vōore: a yaa wala Hagiimd sẽn lagem maam n maane, wala sẽn be Riwaaya (Reegr) a to pugẽ.

‘Umrā wā sifā



Rēenem: Al-mawaakut: buudo (Todsā)

1. Al-mawaakutā (Todsā): yaa zīis nins Nabiyaamā (Wēnd puusg la A tigr be a yīnga) sēn yāke, sēn na yil ti nebā ning [hraamā (hagiimdā fut) beenē, ned ning sēn tulla hagiimdā maa ‘Umrā wā.

2. Rēnd ned ning sēn wa n puug zī-kānsā a yembre, n maan Anniyā ne hagiimd maa ‘Umra: yaa tilae ne-a t'a yeelg [hraamā teed beenē, la ka segd ne-a t'a zuug beenē n ka ning [hraamā ye.

3. La ned ning sēn tug n pē Mak n yud zī-kāensā, rēnd yēnda Al-miikaatā (Toaagā) yaa a zīgē wā, a rikda a teedā a zīgē wā n tug n maan a hagiimdā la a ‘Umrā wā beenē.

4. La sā n yaa Mak rāmbā la neb nins sēn zī Makā: bāmb yeelgda b futā Maka, la sā n yaa ‘Umra b yitame n kēng zīg ning sēn ka Harmā puga, n tug n yeelg b futā beenē, wala At-Tan‘um la sēn wōnd rēnda.

5. La ned ning sēn be silgē: a yeelgda a teedā t'a sã n wa tug n yeglg Al-miikaatā (toadgē wā), a segēndame n yeelg lhraamā futu taor t'a na n ka ta zī-kāng ye, t'a sã n wa tug n yeglg-a a maanda a Anniy wā wakat-kāngā, la ka sōmb ne-a t'a yaoolg lhraamā ningri halı tı silgā wa tug n luı a silg-yir ye. La sōmba ne-a t'a maan sēn na gūbgi, a maanda a Talbiyā wā taor t'a na n ka yeglg zīigā, a sēn yεεsd t'a maanegā zīig na n wa pōsge, silgā sēn tuulā yīnga.



Yiibu: [hraamã sifã la a buudã:

B maaname ti yaa sãri ne ned ning sën rata n na n ning [hraam, yel nins sën watã:

1. Koom soobo, la yēnda yaa sūnn sën kenge, ne rapã la pagbã fãa, n tug tãag Hayd la rogem zum soaba.

2. Yū-noog ningri, sën yud yū-nood yē sën tare, sën yaa ka-rãmba la parfē la zēng sën ka rēnda, n ning a zugã la a toεengã, la rēnda vūunã kell n pa [hraamã ningr poorē wã, a ka sãamd ye, la sã n yaa paga ka sōmb ne-a t'a ning yū-nood ye; sën na yil ti ra-zēmsã ra wa yōbsd yel-kāng yē nengē ye.



3. [hraamã fut ningri, la yēnda yaa fu-sēk la fu-yorgo, la sunnã yaa b yiibã yi pεela, n yaa yilma, n yaa paala, la sã n yaa pagã a yeelgda a sën tull yerem ninga, la a ra wa tug n pãeesd ne nag-teed ti tondē ye, la a zãagd Nikaabã la nug-wuud a yiibã ningri, la a lut a nengã la a nus a yiibã ne būmb a to sën ka rē.

4. Yaa a ning [hraamã futu, Puusg sãri wã sën kō sor ti b puus poorẽ, zem ti yaa farila maa naafla, la woto ka waagib ye.

5. Rënd a yetame: (m sak-F lame m Soab A Wēnde n na n maan 'Umra), la sã n mik ti yaa nin zēng la a maan 'Umrã wã n na n kō a yetame: (m sak-F lame m Soab A Wēnde n na n maan 'Umra n kō a zagla).

6. La [hraamã rikd sã n yεεsd ti būmb na n wa gidg-a t'a ka tōog n pids a tuumã, sakda ne yē soabã t'a maan sart [hraamã ningr sasa n yeele: (.. La ad būmb gidgd sã n gidg maam, mam zīigã yaa zīig ning Fo sën gid maamã) rënd wakat ning a sën wat n maan sart ti gidgr wa gidg-a, t'a ka tōog n na n pids hagiimdã tuumã, a tōeeme n yidg n yi hagiimdē wã, ti yell ka be ne-a ye.

7. Rē poorẽ t'a wusg (Labbayka allaahumma labbayka, labbayka laa Šaruka laka Labayka, innal hamda wanne⁴ mata laka wal mulk, laa Šariika laka) [4], raod zēkda a koεεgã n yet yel-kāngã, woto me la paga, ti sã n mikame t'a ka be ra-zēms suk ye, sōmbame ne [hraam ningda t'a wusg Talbiyã wã (Labbaykã) maanego, sën tug n yuda yelã la halhaal-rāmbã la zīsã sën n wat tedge, wala a sën wat n zēk yīngri, maa a sig longē, maa yung sën na n wa kēedē la wīndg sën wat n pukdē.

4-Ninsaal sën yet ti (Labbayka) maama, rat n yeel ti m sak F boollã, m sën sak noor wusg poorẽ, la a maanã wã yaa ninsaal sën sak a Soabã boolgo, la a sën be Wënd tūudmã zugu. "innal hamda wanne' mata laka wal mulk) ad pēgr la neemã la naam yaa Foom n so, (Al-hamdu) pēgre, yēnda yaa pēgr sif sën pidi n lagem ne nonglem la zisgre, rënd a sã n yilm-a a lebgda sooesgo. La neemã wã yēnda yaa būmb ning Wënd sën maan A yembsã zugu, b sën rat būmb ningã sën yi wã la A sën rig b sën kisã poorẽ. La a sën yet ti (Al-mulku) Naamã, rat n yeel ti Naamã be ne-Foo Wēnde, (A Naam yi wagell n zēke) Yēnda la Soaad A Yembre tãd. La a sën yeel ti (Laa Šariika laka) lagem-n-taar ka be ne Foomã, rat n yeel ti ned ka be n lagem Foom būmb ning sën welg ne Foom A Wënd ye (F Naam yi wagell n zēke) sën yaa sif-rāmbã sën pidã, sën be rē pugē yaa A sën welg ne Naamã la Naanegã la Kēnesgã la Sobendã. Magmuu' Fataawaa wa Rasaa'l Al-'usaymiina (22/96) sën kuug koεεga.

8. Labbaykā a yaa būmb sāri sēn wilg ti b maan
'Umra wā pugē, sēn na n sing [hraamā fut yeelgre,
n tug n tāag a sēn na n sing Tawaafā maanego.

9. Sōmbame ne Hagiimd rikda, t'a gūus n ra wa lu
būmb pugē, sēn yaa yei nins [hraamā rikrā sēn
gidgd-a, hal t'a wa sēs tuumā n yi a [hraamā
pugē.

Tāabo: yaa Tawaafā sifo

1. [hraam ningd sā n kē Lohorem miisrē wā,
yaa sūnn ne-a t'a reng a ritg naoorā, la a yeel
misrā kōom doaaga, la sēn yaa sōma n yud
doosā pugē, yaa a sēn na n yeele: "m Soab A
Wēne! Pak F Yolsgā ragnoy n kō-ma=
Allahumma [ftahlu abwaaba Rahmatika". La
doaag-kāngā a yet-a lame, a sēn wat n kēed
miisr ning fāa, a ka būmb sēn welg ne
Lohorem miisrā bal ye.

2. La a sā n rat n sing Tawaafā maanaego, a
sēbdame, la sēbrā sifo: yaa a rik a fuugā
pusuka n ning a ritg bāokā tēngre, t'a kirems
a yiibā be a goabg bāokē wā, la a sā n wa sē
Tawaafā a lebsda a fuugā a sēn rag n yaa
halhaal ning taoor t'a na n ka sing Tawaafā,
bala pil-kāngā zīgā yaa Tawaafē wā bala.



3. Rē poorē t'a
kēng Kug-sabε
llē wā, n tug n
sus-a ne a ritg
nugā, maa a
mok-a, la a sã n
ka tōog n mok-a,
a susd-a-la ne a
nugā bala, n
mok a nugā, la
sōma sēn yude
yaa a ra sēdg n
wa nams nebã
ye, la yē me ra
wa paam nang
ne nebã ye.

4. La a yeta kugrã
susgã maa a
teesgē wã:
(Allaahu Akbaru).

5. Rẽ poorẽ t'a rík ritg wεengẽ, ti Roogã be a goabg wεengẽ, la a sã n ta Yaman Zeng raoogẽ wã (Rukn Yamaani), a susd-a-la ne a nugã ti ka tũ ne mokr ye, la a sã n ka tōog n sus bi a ra sēdge, a ra tees me ye.

6. La a yeta Yaman Zeng Raoogã la Kug-sabellã suka (Rabbanaa aatinaa fiddunyaa hasanatan wa fil Aahirati hasanatan wakinaa 'azaabannaar, = d Soaba A Wēnde! Kō-d Dūni pugẽ sēn be neere la Yooolem raarã sēn be neere, la F gũ tōnd ne Bugmã namsgo).

7. La a sēn piwug Kug-sabellã fãa a teesd-a-la ne a nugã n yeele:(Allaahu Akbaru).

8. La a yeta a Tawaafã fãa sēn ketã, yē sēn nong būmb ning sēn yaa Wēnd yuur tēegre, la doaaga la Alkurāan karengo.

9. La Sūnnah yaa a zãoos rēenem gilgr a tãabã balq, la zãoosgã: yaa fo yãg n kēne ti na-tagdi wã pē taaba, la sã n yaa gilgr a naasã sēn ketã zãoosg ka b pugẽ ye, a kēnda wala a sēn minimã.



10. la a sã n wa n sa a Tawaafã, a
këngda a [braahum yãnesgã zĩigẽ,
n kareme: (وَاتَّخِذُوا مِنْ مَّقَامِ إِبْرَاهِيمَ مُصَلًّى)
(Wattahizuu mimmakaaam
[braahuma muşşallaa= la y rik-y a
[braahum na-tagdrẽ wã ti yi Puusg
zĩiga),

,rẽ poorẽ t'a puus rakaar a yiib a
[braahum yãnesgã zĩigẽ t'a sã n
tõe, sã n pa rẽ a puusda b yiibã
sẽn yaa Misrã zĩig ning fãa, a
karemda rakaar rëengẽ wã
Al-hamdã poorẽ: (قُلْ يَا أَيُّهَا الْكَافِرُونَ)
(Kul Yaa 'Ayyuhaa Al-Kaafiruna) La a
karemda rakaar a yiib soabã pugẽ:
(قُلْ هُوَ اللَّهُ أَحَدٌ).
(Kul Huwa Allaah Ahadun).

Naase: yaa kënã sifo

1. A sã n sa Tawaafã la a rakaar a yiibã, a yitame n
këng kënã zĩigẽ, la a sã n wa pëneg Safaa a
karemda: (إِنَّ الصَّفَا وَالْمَرْوَةَ مِنْ شَعَائِرِ اللَّهِ)
(Inna aş-şafaa wal marwata min ša' aarillaah) = (Ad
Safaa ne Marwaa bee Wënd dīnã tagmas-rãmbã
pugẽ) Rẽ poorẽ t'a yeele: "m singda ne Wënd sẽn
sing ne wã".



2. Rẽ poorẽ t'a ru aṣ-ṣafaa' halı n wa ne Al-Kaabã maa a sẽnẽ wã, n tees Al-Kaabã n yeem Wënd yuurã la a maan "Allaahu Akbaru" la a yeele: (Laa ullaaha ulla-Llaahu, wahdahuu, laa ṣaruka lahuu, lahuľmulku wa lahuľhamdu, wa huwa 'alaa kulli ṣay-ın kadur, laa ullaaha ulla-Llaahu, wahdahuu, āngeza wa'dahuu, wa naṣara 'Abdahuu, wa hazama Al-ahzaaba wahdahuu= Soab sẽn na n tũ n tılg zẽng sẽn ka Wënd ka be ye, A yaa A Yembre, lagem-n-taag ka be ne-A ye, la Yẽnda la bũmb fãa Tõogda soab sẽn na n tũ n tılg zẽng sẽn ka Wënd ka be ye, A pidsa A pulemde, la A sõng A Yambã, la A wil sulã A Yembre), a yilemda woto noor a tãabo, la a kose wãnde suka.

3. Rẽ poorẽ t'a sigi Ṣafaa' n kẽng Marwaa n kẽnda, a sã n wa tug n ta zĩig ning sẽn yaa kẽegã, a kẽnda kẽn sẽn yaa kɛgenga, la a sã n wa kẽn n ta tagmas kẽeg a yiib soabã, a kẽnda wala a sẽn minim n kẽndã, la kẽnd n zoetẽ wã b ka maan rẽ ti yaa sãri ne pagbã ye.

4. La a sã n wa tug n ta Marwaa' sãri maaname t'a tum wala a sẽn rag n maan Ṣafaa' wã (Gom-sull limor a 2).

5. Rẽ poorẽ bi a sig Marwaa' n kẽng Ṣafaa' t'a yaa sẽn kẽnde, a sã n wa ta zĩig ning sẽn yaa kẽegã, a yãgemdame, la a sã n wa tug n ta yiib soab zĩig ning sẽn yaa kẽegã, bi a kẽn wala a sẽn da minim n kẽndã.

6. Yaa woto la a maand halı n wa pids noor a yopoe wã, a kẽngrã sẽn na n yi Ṣafaa' n kẽng Marwaa' yẽ yaa kẽnd a yembre, la a lebg n yi Marwaa n kẽng Ṣafaa' yẽ me yaa kẽnd a to.



7. La a yeta a kēnē wā a sēn nong būmb ning
sēn yaa doaag la karengo.

Nu soaba: yaa pōmbā ne wōrsgā sifo:

1. ‘Umra maand sā n wa tug n pids a Tawaafā
la a kēnā, yaa tīlae t'a pōng a zoobdā maa a
wōrse, ti sā n yaa raoa, la sūnnah yaa ti
wōrsgā bi pōngrā gūbg zugā gilli.

2. La pōngrā sōmblem n yud wōrsgā,
rēndame ti mikame ti hagiimdā wakat
pēeme, ti viug ka be ti zoobdā lebg n bul
sōma, wakat-kāngā sōma sēn yud yaa a kell
n wōrse.

3. La sā n yaa paga, yēnda lagemda a
zoobdā n tug n wōrg a kirengā sēn zems
wala nug-rudre.



Yɛl nins b sɛn gɪdg: [hraamã rɪkr pʊgẽ wã

Yɛl nins sɛn ka sakd [hraamã pʊgẽ bãmb yaa:

1. Zoobdã põngr maa a wõrsgo, maa yĩn-kõbdã põmbo maa b tõsbo, sɛn yaa zĩig ning fãa a yĩngẽ wã.

2. Nus-yěesã fãd wõrsgo maa b sãnda, a nus a yiibẽ wã maa a nao a yiibẽ wã.

4. Zugã ludbu ne bũmb sɛn tabende, wala: pugla la laankãane, la peende, la rɪk fu-loabdg n ning zugẽ, maa peende, maa fu-goabga, maa kartõ, maa sɛn wõnd rẽnda, sɛn yaa ludbu, la woto welga ne roapã, pagbã ka lagem ye.

4. Fut nins b sēn minim n yeelgdē, sēn gūbg yīnga, ne yalē ning nebā sēn minim n ningdē wā, wala fuug sēn sē la pāntalō-rāmba, la kasaabse, la susetse, la na-wuudo, la woto welga ne rapā, pagbā ka naag ye, la paga b gidga yēnda n yi:

A. Nikaab ningri maa sēpo sēn wōnd Nikaabā, la yaa tilae ne-a t'a lud a nengā ra-zēms sā n wa beē ne bōn-lutl ningā b sēn minim n lut nengā, baa ti bōn-lutgā sā n susa a nengā, la a ka ningd laankaanē la sēn wōnd rē a zūgē wā ye, n rat ti bōn-lutgā ra wa sus a nengā yīnga, bala sāri ka wilg ti b maan woto ye.

B. Nug-wuud a yiib ningr a nusē wā, la yaa tilae ne-a t'a lud a nus a yiibā, ra-zēmsā zīgē, a ningd-b-la a Abaaya wā (sutrā) pugē.

5. Yū-nood ningr a yīngē maa a [hraamā fut pugē.

6. Ween-n-vugē tāoosgo, maa a yōkre baa t'a sā n ka ku-a.

7. Pag belengo, n na n kō a mengā maa nin-zēnga.

8. Fur loeese.

9. Pag salengo, sēn ka tū ne a taorā, wala mokre maa saagr ne wum-noogo.

10. Kēed-n-taare.

La Wēnd n yud minim, la Wēnd na puus
la A tilg tōnd Nabiyaamā a Muhammada

‘Umra wã tuum koeegre



1. Yaa koom soobo.
2. Yaa yũ-nood ningri.
3. Ihraamã fut ningri.
4. Ihraamã, yẽnda me
la tũud-rãmbã koomã
Ānniy.
5. Labbaykã maanego.
6. Roogã Tawaafe (gilgri).
7. Rakaar a yiib Puusgo
a Ibraahum yãnesgã
zĩigẽ.
8. Kẽnã Aş-şafaa ne
Marwaa sukã.
9. Zuga põngrã maa
a wõrsgã.

Sebrã buka

Tiɔɔsgo:	1
Rēenem: yaa tūudmã reegr sãrt-rãmbã:	2
Yiibu: ‘Umra wã sɪfã la a buud-rãmbã kareng buudo	3
Yiibu: ‘Umra wã yudlm la a yel-sōmdã	4
‘Umrã wã sɪfã	5
Rēenem: Al-mawaakut (Todsã) buudo:	6
Yiibu: [hraamã sɪfã la a buudã:	8
Tãabo: yaa Tawaafã sɪfo	10
Naase: yaa kēnã sɪfo	13
Nu soaba: yaa pōmbã ne wōrsgã sɪfo:	15
Yel nins b sēn gidg [hraamã rɪkr pugē wã:	16
‘Umra wã tuum koeegre (A zīndida wagdgē wã, maa baasg kara-saagē wã)	18

تعرف على الإسلام

بأكثر من 100 لغة



موسوعة الأحاديث النبوية
HadeethEnc.com



ترجمات متقنة للأحاديث
النبوية وشرحها بأكثر من
لغة (60)



بيان الإسلام
byenah.com



مواد منتقاة للتعريف
بالإسلام وتعليمه بأكثر
من (120) لغة



موسوعة القرآن الكريم
QuranEnc.com



ترجمات متقنة لمعاني
القرآن الكريم بأكثر من
لغة (75)



موسوعات وخدمات إسلامية باللغات
s.islamenc.com



للمزيد
من المواقع الإسلامية
بلغات العالم



مجمع المحتوى الإسلامي باللغات
islamcontent.com



مواد إسلامية متنوعة
وشاملة بأكثر من (125)
لغة



ضيوف الرحمن
hajjumrh.com



مواد منتقاة للحجاج
والمعتمرين و الزوار
بلغات العالم

جمعية خدمة المحتوى
الإسلامي باللغات



ضيوف الرحمن
hajjumrh.com

